



Inatsisartunut ilaasortaq Mette Arqe-Hammeken, Naleraq
Inatsisartut@inatsisartut.gl

Ittoqqortoormiini mittarfissaq pillugu § 37 naapertorlugu apeqquteqaammut 2026-025-mut akissut

Ulloq: 06-03-2026
Suliap nr.: 2026 - 3736
ID. nr.: 80282931

Asasara Mette Arqe-Hammeken

Ittoqqortoormiini mittarfissaq pillugu Inatsisartut Suleriaasianni § 37 naapertorlugu Naalakkersuisunut apeqquteqarputit. Apeqqutit matuma kinguliani ataasiakkaarlugit issuarneqarput, akissut kingornanniilluni.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1

a) Qaqugu Ittoqqortoormiini mittarfik aallartinneqassava / piareerneqarlunilu?

Akissut: Naalakkersuisut aamma danskit naalagaaffiata akornanni Kalaallit Nunaanni attaveqaasersuutit nukittorsaanissaq pillugu sinaakktissatut isumaqatigiissuteqarneq kiisalu Tunup tikikkuminarnerulersinnissaa, nuttarnersitsinissaq ineriartornissamullu periarfissat pitsanngorsarnissaat pillugit politikikkut kissaateqarneq, eqqarsaatigalugit Ittoqqortoormiini mittarfiliornissamik pilersaaruteqarnermut tunngaviusut isigineqassapput. Suliassaq pilersaarusiorneqaleruttormat erseqqinnerusumillu paasinarsisinnegartussaammat, suliassap aaqjissuunneqarnissaanut teknikkikkullu ilusilersornissaanut tunngavigisassat inaarutaasut suli aalajangersarneqanngillat. piviusunngortinneqarnissaata ingerlaqqinnissaa aalajangersarneqareerniariarpat, pissutsit taakkua pillugit ilisimatitsisinnaalernissaaq Naalakkersuisut qilanaaraat.

b) Ittoqqortoormiini mittarfissaq qanoq akeqassava, qanorlu aningaasalersorneqassava?

Akissut: Sinaakktissatut isumaqatigiissummi allassimavoq, Tunumi Ittoqqortoormiini nunap immikkoortuani nutaamik mittarfiliornissamut kiisalu Kalaallit Nunaata kujataani Qaqortumi imaani itisuumi umiarsualiviliornissamut Danmarkki tamakkiisumik aningaasalersuilluni ikiuutissasoq.

c) Ittoqqortoormiini mittarfissaq inunnut angallannissamut akikillisaataassava?

Akissut: Naalakkersuisut naatsorsuutigaat Ittoqqortoormiini mittarfik innuttaasut ataatsimoortumik angalanermit aningaasartuutaannut iluaqutaasinnaassasoq. Tamatumunnga pissutaavoq, angalasut angalanerup ilaani qulimiguulimmik angallanneqarnissamik pisariaqartitsinatik, ornigassamut aammalu ornigassamiit toqqaannartumik angalasinnaalertussaanerit. Taamaattoq siunissami angallaviup ilusiligaanissaa aammalu timmisartuussinermit tapiiffiqineqanngitsumik atugassaqartitsinissaaq, billetsinut akigititanut inaarutaasunut apequtaasussaavoq.

d) Kina imalt. kikkut piginnittuussappat?

Akissut: Piginnittuunissamut ingerlatsinissamullu ataasiakkaatigut ilusiliinissaq sulii aalajangersarneqanngilaq, tassami erseqqinnerusumik piviusunngortitsinissaq, illuatungeriit akornanni tamatuma kingorna sinaakutissatut isumaqatigiissummi isumaqatiginninniutigineqartussanngortinneqarmat.

Peqatigisaanik aningaasanut inatsimmut oqaasertaliussani allassimavoq, aktiaatileqatigiiffimmut Namminersorlutik Oqartussanit pigineqartumut imaluunniit taassuma immikkoortuatut ingerlatseqatigiiffimmut sanaartornissaq tamakkiisumik ilaannaasumilluunniit tunniunneqassasoq Naalakkersuisut aalajangersinnaasut.

e) Qanoq takitiginiarpa?

Akissut: Apeqqummut 1a-mut akissuteqaat innersuussutigineqarpoq.

f) Qanoq aamma atorneqarniarpa:

Akissut: Danmarkip aamma Kalaallit Nunaata akornanni sinaakutissatut isumaqatigiissut naapertorlugu nunap immikkoortuani mittarfittut mittarfik pilersinneqartussaavoq. Ataatsimoortumik atitunerusumik suliniuteqarnissaq isumaqatigiissummi ilaavoq, tassani peqatigisaanik Danmarki Illersornissamut pisinnaasaqarnerulersitsilluni kiisalu issittumi isumaqatigiissutit immikkoortuini inuiaqatigiinnut atuinissamut aningaasaliisussaalluni. Ataasiakkaatigut atorneqarnissaa isumaqatigiissuttip piviusunngortinneqarnissaata ingerlaqqinnerani aalajangersarneqassaaq.

Sanaartugaq attaveqaasersuutit pisariaqartinneqartut allat assigalugit inuiaqatigiinni siunertanut aammalu inuiaqatigiinni upalungaarsimanermik pisariaqartitsinermut tapersiissaaq.

g) Mittarfimmiit Ittoqqortoormiunut aqqusinissaq qaqugu aallartinniarpa?

Akissut: Apeqqummut 1a-mut akissuteqaat innersuussutigineqarpoq.

h) Aqqusinissaq qanoq akeqassava qanorlu aningaasartalersorneqassava?

Akissut: Apeqqummut 1b-imut akissuteqaat innersuussutigineqarpoq.

Neriutigaara matuma siulianiittuni apeqqutitit akineqarsimassasut.

Inussiarnersumik inuulluaqqusillunga

Aqqaluaq B. Egede